



國家清史編纂委員會・文獻叢刊

七編

清代稿鈔本

第三二〇冊

國家清史編纂委員會·文獻叢刊

七編

清代稿鈔本

第三二〇冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

SPM

南方出版傳媒
廣東人民出版社
·廣州·

第三二〇冊目錄

尤氏金匱翼……………一

瘟疫明辨……………二一五

術學零抄……………四九三

士那補釋……………五四三

尤氏金匱翼

八卷

尤在涇
撰

鈔本

延丰室穎川拙卿藏

尤氏金匱翼
卷七八
終

金匱翼卷七目錄

咳嗽統論

冷嗽 熱嗽 鬱熱 飲氣 食積 燥咳

虛寒 腎咳 失音

喘統論

痰實肺閉 水氣乘肺 寒邪入肺

令火燍肺 腎虛氣逆 齁喘 血積肝傷

嘔吐論

剛壯 清涼 消痰逐水 消食去積 行氣

去風和胃 理中安虵 和導 益胃

泄瀉統論

濕瀉 寒瀉 熱瀉 久泄 食泄 酒泄

腎泄 飧泄

痢疾統論

寒下 和利 疎解 溫通 溫補 冷瀉

和養

金匱翼卷七

飼鶴山人尤在涇先生怡集

長洲後學徐錦炳南氏讀

咳嗽統論

經言五臟六腑皆令人欬蓋有自外而入者風寒暑濕燥火是也有自內而發者七情飢飽勞傷是也風寒諸氣先自皮毛而入皮毛者肺之合皮毛受邪內從其所合則欬者自外而入者也七情飢飽內有所傷則邪上逆肺為氣出入之道故五臟之邪上觸于

肺亦咳此自內而發者也然諸風所感有不為嗽者
病邪特甚徑傷臟腑不留於皮毛七情所傷亦有不
嗽者病邪尚淺止留本臟未即上攻所以傷寒以嗽
為輕而雜病以嗽為重也

欬嗽一證其因實多辨證不明妄投希效亦安賴有
醫治哉當按昔賢所述如咳嗽有風寒有勞有火有
痰有肺脹風寒者鼻塞聲重惡風寒是也宜發散行
痰又有欬喘聲啞或咽痛遇冷則發者此謂寒包熱
也解表則熱自除肺中有痰者遇冷亦發宜解表豁

痰火鬱者欬多痰多面赤焦煩是也勞者盜汗出痰多唾紅作寒熱是也痰者咳動便有痰痰出咳止是也肺脹者動則喘滿氣急聲重是也

丹溪以上數條合而觀之參之居養合之氣體雖有不中亦不遠矣

治嗽最要分別肺之虛實痰之滑濇邪之冷熱及他臟有無侵凌之氣六腑有無積滯之物虛者人參黃耆之屬補之使氣充則藏自固實者葶藶杏仁之屬瀉之使邪去則肺自寧痰滑者南星半夏之屬燥其

濕痰瀆者瓜蒌杏仁之屬潤其燥寒者乾薑細辛溫之熱者黃芩梔子清之氣侵者五味芍藥收其氣使不受邪也積滯者枳實瓜蒌逐其客使無來犯也

冷嗽

冷嗽者身受寒氣口飲寒漿得之蓋肺主氣外合皮毛而其經內循胃口故外內得寒皆能傷之經云形寒飲冷外內合邪因而客之則為肺咳是也其證呼吸不利嘔吐冷沫胸中急痛惡寒聲嘶得溫則減得寒益甚

仲景小青龍湯 散外寒蠲內飲

麻黃

芍藥

乾薑

炙甘草

細辛

桂枝各三兩五味子

半夏各半升

右八味以水一斗先煮麻黃減二升去上沫內諸藥煮取三升去滓溫服一升

此散寒蠲飲之神劑東垣云肺寒氣逆則宜五味子同乾薑治之有痰者以半夏為佐按金匱厚樸麻黃湯加厚樸石膏杏仁小麥減桂枝芍藥聖濟乾薑湯加紫苑杏仁減芍藥細辛半夏

外臺羊肺湯加欬冬紫苑白前吳茱萸減麻黃
芍藥半夏易簡杏仁湯加人參茯苓杏仁去麻
黃其乾薑五味甘草則四方如一轍也蓋本一
青龍而各有裁制耳

加減麻黃湯

麻黃

去節桂枝
一兩

炙甘草

各半陳皮
兩

半夏

各七錢

杏仁

五十箇去皮
共微炒另研

右細剉每三錢紫蘇七葉生薑四片煎服

三拗湯

麻黃

杏仁

甘草

炙各等分

右以咀每服三錢生薑三片煎服微汗愈深

師有細辛

外臺加桂枝名小投杯湯

和劑

加蘇子茯苓桑皮陳皮名華蓋散

聖濟飴糖煎

飴糖

乾薑

炒一兩半 豉炒二兩

杏仁

五十箇 去皮尖

右分二劑煎去滓入飴糖乾薑末服

按欬嗽經年不愈餘無他證服藥無效者得三拗湯恒愈多用清涼屢發屢甚別無熱證者得飴糖

煎遂差不可不知也 局方於麻黃杏仁甘草中
加阿膠貝母桑葉知母款冬半夏蓋雜清潤于辛
溫之內凡陰虛邪伏者服之最宜名款冬花散

熱嗽

熱嗽有久暴之異暴者時熱傷肺也肺象金而惡熱
得之則脉數氣促口渴胸膈不利咽喉腫痛子和云
熱乘肺者急喘而嗽面赤潮熱手足寒乳子每多有
之久者風寒不解久而化火肺受火邪氣從火化有
升無降其候咳唾痰濁煩熱口渴或吐膿血甚者身

熱不已則成肺勞

六味竹葉石膏湯

石膏

煨

淡竹葉

桔梗

薄荷葉

木通

甘草

錢各一

水煎服

又治熱嗽諸藥不效者方

人參

石膏

甘草

半夏

麥冬

知母

五味

杏仁

枇杷葉